

揚眸眇風長歌飄乎森發身如轉波尋虛騁迹顧與節和縱脩袖以終曲
若奔星之赴河及其素秋二七天漢指隅民皆被襖國于水游緹帷彌濛
丹帳覆洲益如飛鶴馬如遊魚應門巖巖朱扉含光路嚴歸其隆崇文此
嘯其高驪聽迅雷於長除若有聞而復亡其園囿苑沼駢田接連淥池分
浪以帶石垠文隅瓊岸華玉依津邦乃大狩振揚炎威教民即戎講習興
師落幕包括連結管圍毛群隕殪羽族殲剝填崎寒畎不可勝錄 魏劉
邵趙都賦曰且敝邑者固靈州之敝宇而天下之雄國南則有洪川巨瀆
黃水濁河發河積石徑拂太華灑為九流入于玄波其東則有天浪水府
百川是鍾包絡坤維連薄大濛其北則有陶林玄壇增冰互寒其西則有
靈丘平圃邪接崑崙其近則有天井句注飛壺太行璀璨磔磔屬阜連岡
龍首嵯峨以沸鬱羊坂崙峒以屹嶂清漳發源濁溢汨越湯泉滄沸洪波
漂厲爾乃都城萬雉百里周迴九衢交錯三門旁開層樓踈閣連棟結階
峙華爵以表薨若翔鳳之將飛正殿儼其造天朱櫺赫以舒光盤虬螭之
蛇蟻承雄虹之飛梁結雲閣於南宇立叢臺於少陽及至暮秋涉秋則風

烈寒猛豺鷲攫鷹隼奮翰國乃講武狩于清源駕鷲真之駸駸抗冲天之
旌旆北連昭餘南屬呼池西眇太陵東結繚河然後嶮子放機戈矛亂發
决班髻破文頰當手擊僊應立倒越爾乃進夫中山名倡襄國妖女狄鞮
妙音邯鄲才舞六八舞僊應立倒越爾乃進夫中山名倡襄國妖女狄鞮
昆山美玉玄珠曲環輕綃啓絳纈縹緗絃其器用良馬則六弓四弩綠沉
黃間堂嶮魚腸丁令角端飛兔奚斯常響紫燕豐鬣確顛龍身鵠頸目如
黃金蘭筋參精迅躡飛浮軼響追聲若乃至季春元巳辰火熾光挺新贈
往被于水陽朱幕蔽野綵帷連岡妖冶呈飾顏如春英 晉左思蜀都賦
曰夫蜀都者蓋瑤基於上世開國於中古廓靈關而為門包玉壘而為宇
帶二江之雙流抗蛾眉之重阻於前則跨躡捷梓枕倚交趾絕塗所巨五
千餘里於是乎叩竹綠嶺茵桂臨崖秀挺龍目側生荔枝布綠葉之萋萋
結朱實之離離孔翠群翔犀象競馳日雉朝鳴猩猩夜啼金馬騁先絕影
影碧雞修忽而躍儀火并沉於幽泉高燭飛煽於天垂於後則却背華
容北指崑崙綠以劔閣阻以石門流漢湯湯驚浪雷奔望之天迴即之雲